

唐
音
統
籤

丙籤三十八

三十九
同卷

唐音統籤卷

一百三十九

綦母潛字季通南康人

陳氏云今之蘄州一云荆南人

開元十四

年舉進士由空壽尉入爲集賢待制遷右拾遺終

著作郎詩一卷

唐宋志同
清秀蕭蕭跨俗

殷璠云拾遺詩舉體
桑門之說於已獨

能至如松覆山殿冷不可多得又鍾聲和白雲歷

代少有借使若人加氣質減彫飾則高視三百年
之外也

春泛若耶谿

幽意無斷絕此去隨所偶晚

一作
好

風吹行舟花路

入谿口際夜轉西壑隔山望南斗潭煙飛溶溶林

月低向後生事且瀟灑願爲持竿叟

題鶴林寺

道林

一作門

隱形勝向背臨層霄松覆山殿冷花藏

谿路遙珊珊寶幡挂焰焰明燈燒遲日半空谷春

風連上潮少遇

一作道

水木與暫令身心調願謝攜

手客茲山禪誦

一作侶

饒

題栖霞寺

南山勢廻合靈境依此住殿轉雲崖陰僧採石泉
度龍蛇爭翕習神鬼皆密護萬壑奔道場羣峯向
雙樹天花飛不着水月白成路今日觀身我歸心
復何處

冬夜寓居寄儲太祝

又作薛
據詩

自爲洛陽客夫子吾知音盡

一作
愛

義能下士時人

無此心奈何離居夜巢鳥悲

一作
飛

空林愁坐至月

上復聞南鄰砧

若耶谿逢孔九

相逢此谿曲勝託在煙霞潭影竹間動巖陰簷外

斜人言

一作
生

上皇代犬吠武陵家借問淹留日春

風滿若耶

題沈東美員外山池

僊郎偏好道鑿沼象瀛洲魚樂隨情性船行任去

留秦人辨雞犬堯日識巢由歸客衡門外仍憐返
景幽

茅山洞口

華陽僊洞口半嶺拂雲看窈窕穿苔壁差池對石
壇方隨地脉轉稍覺水晶寒未果變金骨歸來茲
路難

宿太平觀

夕到玉京寢宵冥雲漢低窺交僊室蝶曙聽羽人
雞滴瀝花上露清冷松下谿明當訪真隱揮手入
無倪

過方尊師院

羽客北山尋草堂松徑深養神宗示法得道不知
心洞戶逢雙履寥天有一琴一作禽更登玄圃上仍
種杏成林

祇園寺

紹興府志

寶坊求往跡神理駐浴泗鴈塔酬前願王身更後
來加持將瞑合朗悟豁然開兩世分明見餘生復
幾哉

宿龍興寺

姑蘇志龍興寺在吳縣治西梁開元十七年州將李無言重葺房

瑄爲碑序而潛爲之銘

香剎夜忘歸松清古殿扉燈明方丈室珠繫比丘
衣白月傳心靜青蓮喻法徼天花落不盡處處鳥
銜飛

題靈隱寺山頂禪院

招提此山頂下界不相聞塔影挂清漢鐘聲和白
雲觀空靜室掩行道衆香焚且駐西來駕人天日
未曛

題招隱寺絢公房

開士度人久空巖一作山花霧深徒知燕坐處不見
有爲心蘭若門對壑田家路隔林還言證一作澄法

過融上人蘭若

一作孟浩然詩

山頭禪室挂僧衣
牕外無人谿鳥飛
黃昏半在下

山路却聽鐘

一作泉

聲連

一作戀

翠微

丙籤三十九

賀蘭進明開元十六年登進士第累官北海太守

祿山之亂奔詣行在肅宗以爲御史大夫河南節

度使後貶秦州司馬詩七篇

殷璠云進明好古博達經籍滿腹有文一

百餘篇頗究天人之際古詩八十首大體符于阮公行路難五首並多新興據此集似藝文志失收

今補入

古意二首

秦庭初指鹿羣盜滿山東忤意皆誅死所言誰肯
忠武關猶未啓兵入望夷宮爲祟非涇水人君道
自窮

崇蘭生澗底香氣滿幽林采采欲爲贈何人是同
心日暮徒盈把徘徊憂思深慨然紉雜佩重奏丘
中琴

行路難五首

君不見巖下井百尺不及泉君不見山上苗數寸
凌雲煙人生賦命亦如此何苦太息自憂煎但願
親友長含笑相逢不乏

一作莫吝

杖頭錢寒夜邀歡須

秉燭豈得

一作不

常思花柳年

君不見門前柳榮耀暫

一作幾

時蕭索久君不見陌

上花狂風吹去落離家鄰

一作誰

家思婦見之歎蓬

首不梳心歷亂盛年夫婿長別離歲暮相逢色已

換

君不見芳樹枝春花落盡蜂不窺君不見梁上泥

秋風始高燕不棲蕩子從軍事征戰娥眉嬋娟守

空閨獨宿自然堪下淚况復時聞烏夜啼

君不見雲中月暫盈還復缺君不見林下風聲遠

意難窮親故平生或聚散歡娛未盡樽酒空歎息

青青陵上柏歲寒能有幾人同

君不見東流水一去無窮已君不見西郊雲日夕
空氛氳羣鴈徘徊不能去一鴈悲一作驚鳴復失羣

人生結交在終始莫以升沈中路分

丙籤四十三

唐音統籤卷

一百四

蕭穎士字茂挺梁宗室之後四歲能屬文觀書一

覽卽誦開元中舉進士對策第一補秘書正字去

客濮陽教授時號蕭夫子召爲史館待制以不附

李林甫免安祿山反竄山南崔圓以爲揚州功曹

叅軍至官信宿去後客死汝南迎旅門人私謚文

元先生穎士以推引後進爲已任所獎目皆爲名

士文章與李華齊名稱蕭李終以誕傲褊忽困顯

而歿集十卷

唐志有游梁新集三卷宋志游梁集八

今編詩一卷

據言

穎士恃才傲物嘗攜壺逐勝憇於逆旅風雨暴至有紫衣翁領二僮避雨於此穎士頗侮之雨止老

人上馬呵殿而去穎士始知爲吏部侍郎王丘也
明日造門謝罪丘引至廡下坐而責之復曰子負
名傲忽其止於一第乎果終于揚州功曹譚賓
錄穎士性異常嚴酷有一僕事之十餘載穎士每
一筮楚百餘不堪其苦人或激之擇木其
僕曰我非不能他從遲留者乃愛其才耳

江有楓一篇十章

并序

江有楓思陸鄭二友吳會舊遊且疾讒也臣宦
于尹府以直方不偶見逼讒佞惟古之賢者有
避色避言之義矯然去之二室之間有楓樹焉
與江南楓形胥類憩于其下而作是詩以貽夫
二三子焉

江有楓其葉蒙蒙我友自東于以遊從

山有槭其葉漠漠我友徂北于以休息

相彼槭矣亦類其楓矧伊懷人而忘其東

東可遊矣會之丘矣于山于水于廟于寺于亭于里君子遊焉于以宴喜其樂疊疊

粵東可居彼吳之墟有田有庭有朋有書有尊有魚君子居焉惟以宴醕其樂徐徐

我朋在矣彼陸之子

淹也

如松如杞淑問不已

我友于征彼鄭之子

愕也

如琇如英德音孔明

我思震澤菱芡幕幕寤寐如覲我思剡谿杉篠萋萋寤寐無迷

有鳥有鳥粵鷗與鷺浮湍戲渚皓然潔素忘其猜妬彼何人斯曾足傷懼

此懼惟何懼寘于羅彼驕者子讒言孔多我聞先
師體命委和公伯之愬則如子何悵然山河惟以
嘯歌其憂也哉

菊榮一篇五章

并序

菊榮酬贈離且申志也久寓大邑賢宰宋侯惠
而好子賦鳴蟬以既別有懷相規備厥卒章丁
以報

焉

采采者菊芬其榮斯紫英黃萼照灼丹墀愷悌君
子佩服攸宥王國是維大君是毗貽爾子孫百祿
萃之

采采者菊于邑之城
根新莖布葉垂英彼美淑

人應家之禎有絃旣鳴我政則平宐爾棟崇必復
其慶

采采者菊于邦之府陰槐翳柳邇楹近宇彼勞者
子喧卑是處慨其莫知蘊結誰語企彼高人色斯
遐舉

采采者菊于賓之館旣低其枝又弱其幹有斐君
子是焉披翫良辰旨酒宴飲無算愴其化別終然
永歎

歲方晏矣霜露殘促誰其榮斯有英者菊豈微春
華懿此貞色人之侮我混于薪棘詩人有言好是

正直

涼雨一章

并序

涼雨志楊侯

樂賓僚也

習習涼風冷冷浮颺君子樂胥于其賓僚有女斯
天式歌且謠欲言終宥惟以招邀于胥樂兮

有竹一篇七章

并序

有竹懿李新後

閣而宴親友也

有竹斯竿于閣之前君子秉心惟其貞堅兮
有竿斯竹于閣之側君子秉操惟其正直兮

彼蔚者竹簫其森矣有開者閣宛其深矣迴簷幽

砌如翼如齒

冬之宵霰雪斯澆我有金鑪煴其以歛

夏之日炎景斯鬱我有珍簟淒其以栗

彼紛者務體其豫矣有旨者酒歡其且矣友僚萃

止附萼載韉

彼美公之姓兮那歟應積慶兮期子惟去之柄兮

江有歸舟三章 并序

記有之尊道成德嚴師其難哉故在三之禮極
乎君親而師也參焉無犯與隱義斯貫矣孔聖
稱顏子有視余猶父歎其至歟今吾於太真也
然乎爾且後進而余師者自賈邕盧冀之後比
歲舉進士登科名與實皆相望騰遷凡數子其
佗自京歲太學踰于淮泗行東修已上而未及

門者亦云倍之余弗敏曷云當乎而莫之讓蓋
 有來學微往教業匪余求若之何其拒哉倚爾
 之所以求我之所以誨學乎文乎學也者非云
 徵辨說據文字以扇夫談端縣厥詞意其於識
 也必鄙而近矣所務乎憲章典法膏腴德義而
 以文也者非云尚形似章比類以局夫儷偶放
 於奇靡其於言也必淺而乖矣所務乎激揚雅
 訓彰宣事實而已衆之言文學者或不然於戲
 彼以我為解爾以我為正同聲相求爾後我先
 安得而不問哉問而教教而從從而達欲辭師
 也得乎孔門四科吾是以竊其一矣然夫德行
 政事非學不言言而無文行之不遠豈相異哉
 四者一夫正而已矣故曰詩三百一言以蔽之
 曰思無邪不正之謂也吾嘗謂門弟子有尹徵
 之學劉太真之文首其選焉今茲春連茹甲乙
 淑問休闡為時之冠決旬有詔俾徵典校秘書
 且馳傳權首領元戎書記之事四牡駢駢薄言
 旋歸聲動日下浹於寰外而太真元昆前已甲
 科未始間歲翻其連舉謂予不信豈其然乎夏
 五月迴棹京洛告歸江表咄兮此兮歡既萃矣

凡矣弟矣榮斯繼矣摺紳之徒習禮聞詩者僉曰劉氏二子可謂立身身光乎親路極致於人倫者矣上京餞別庭闈望歸從古已來未之聞也余羈宦此都色斯云舉彼吳之丘曾是昔遊心乎往矣有懷伊阻行矣風帆載飛載揚爾思不及黯然以泣先師孝悌謹信及愛親仁餘力學文之訓爾其志之南條北固朱方舊里昔與太真初會於茲余之門人有柳并者前是一歲亦嘗觀茲地其請業也必始乎此焉并也有尹之敏劉之工其少且疾故莫之逮太真亦嘗曰何敢望并并與真難乎其相奪矣緬彼江陰京阜是臨言念二子從予于此爾云遊之其可忘諸同是饑者賦江有歸舟以寵夫嘉慶焉爾詩曰

江有歸舟亦亂其流之子言旋嘉名孔修揚于王庭允焯其休

舟既歸止人亦榮止凡矣弟矣孝斯踐矣稱觴宴

喜于岫于岵

彼遊惟帆匪風不揚有彬伊父匪學不彰予其懷
而勉爾無忘

蒙山作

東蒙鎮海沂合沓餘百里清秋淨氛靄崖岬隱天
起于役勞往還息徒暫攀企將窮絕跡處偶得冥
心理雲氣雜虹霓松聲亂風水微明綠林際杳窈
丹洞裏仙鳥時可聞羽人邈難視此焉多深邃賢
達昔所秘予尚捐俗紛季隨躡遐軌蘊真道彌曠
懷古情未已白鹿凡幾遊黃精復奚似顧予尚牽

纏家業重書史少學務從師壯年貴趨仕方馳桂
林譽未暇桃源美歲暮期再尋幽哉美門子

早春過七嶺寄題峽石裴丞廳壁

出峽寄趣少晚行偏憶君依然向來處官路谿邊
雲茲路豈不劇能無俗累紛槐陰未未合泉聲細
猶聞瀾歎春罷酒牽車從此分登高望城入斜影
半風薰

過河濱和文學張志尹

隆古日以遠舉世喪其淳慷慨懷黃虞化理何由
臻步出城西門徘徊見河濱當其側陋時河水清

且澹滄桑一以變莽然翳荆榛至化無苦跡宇宙
將陶甄太息感悲泉人往跡未湮瑟瑟寒原暮冷
風吹衣巾顧我謏劣質希聖杳無因且盡登臨意
斗酒歡相親

仰蒼韋司業垂訪五首

呦呦食萍鹿常飲清冷川但悅豐草美寧知牢饌
鮮主人有幽意將以充林泉羅網幸免傷蒙君復
羈牽高堂列聚賓廣座鳴清絃俯仰轉驚一作傷惕
徘徊獨憂煎緬懷雲巖路欲往無由緣物各有所
好違之傷自然

神龜在南國緬邈湘川陰遊止蓮葉上歲時嘉樹
林毒蟲且不近斤斧何由尋錯落負奇文熒煌耀
丹金江山萬里餘淮海阻且深獨保貞素質不爲
寒暑侵一逢盛明代應見通靈心

晉代有儒臣當年富詞藻立言寄青史將以贊王
道遼落緬歲時辛勤歷江島且言風波倦探涉豈
爲寶不遇庾征西云誰展懷抱士貧乏知己安得
成所好

彭陽昔遊說願謁南郢都王果尚未達况從夷節
謨豈知晉叔向無罪嬰囚拘臨難俟解紛獨知祁

大夫舉讎且不棄何必論親疎夫子覺者也其能

肯一作遺我乎

關西一公子年貌獨青春被褐來上京翳然聲未
振中郎何爲者倒屣驚座賓詞賦豈不佳盛名亦
相因爲君奏此曲此曲多苦辛千載不可誣孰言
今無人

答鄒象先

象先尉臨渙潁士自京邑無成東歸以象先同年生也作詩贈之來

年蕭補正字象先寄詩重述前事蕭答云

桂枝常共擢茅茨冀同薦一命何阻修載馳各川
縣壯圖悲歲月明代耻貧賤回首無津梁抵令二

毛變

舟中遇陸棣兄西歸數日得廣陵二子書

知遲晚次沙塾西岸作

林鳥遙岸鳴早知東方曙波上風雨歇舟人叫將
去蒼蒼前洲日的回沙鷺水氣清曉陰灘聲隱
川霧舊山勞覓想憶人阻洄泝信宿千里餘佳期
曷由遇前程入楚鄉弭棹問維揚但見土音異始
知程路長寥寥晚空靜漫漫風淮涼雲景信可美
風潮殊未央故人江臯上永日念容光中路枉尺
書謂余瓊樹芳深期結晤語竟夕恨相望冀願崇

朝霽吾其一葦航

留別二三子得韻字

二紀尚雖伏徒然忝先進
英英爾衆賢名實鬱雙
振殘春惜將別清洛行不近
相與愛後時無令孤
逸韻

董陽陪元魯山登北城贈別

時元有挂冠之意

山縣邊古堞悠悠快登望
兩餘秋天高目盡無隱
狀綿連澗川迴杳渺鴉路深
彭澤興不淺臨風一作
流動歸心賴茲琴堂暇
傲睨傾菊酒人和歲已登
從政復何有遠山十里碧
一道銜長雲青霞半落

日混合疑晴曛漸聞鶯栖

一作
栖林

羽坐歎清夜月中

歡愴有違行子念明發僅能泯寵辱未免傷別離
江湖不可忘風雨勞相思明時當盛才短伎安所
設何日謝百里從君漢之滋

送張暈下第歸江東

俱飛仍失路綵服邈清波地積東南美朝遺甲乙
科客愁千里別春色五湖多明日舊山去其如相
望何

山莊月夜作

獻書嗟棄置疲拙歸田園且事計然策將符公冶

言桑榆清

一作畏

暮景雞犬應遙村蠶罷里間晏麥

秋田野喧澗聲連枕簟峯勢入堦軒未奏東山妓
先傾北海樽隴瓜香早熟庭果落初繁更慙野人
意農談朝竟昏

越江秋曙

扁舟東路遠曉月下江濱激澗信潮上蒼茫孤嶼
分林聲寒動葉水氣曙連雲瞰日浪中出榜歌天
際聞伯鸞常去國安道惜離羣延首剡谿近詠言
懷數君

丙籤四十一

唐音統籤卷

十一 百四

李華字遐叔趙郡人舉進士第又擢博學宏詞科
首官監察御史右補闕以受祿山僞署謫杭州司
功叅軍上元中召加司封員外郎移病廢居山陽
卒華善屬文自以觸禍銜悔安於窮槁晚事浮圖
法不甚著書惟士大夫家傳墓版及州縣碑頌齋

金帛往請者時彊爲應集三十卷

唐志前集十卷中集二十卷宋

志集二

今編詩一卷

本傳華與蕭穎士相善穎士詞鋒凌發華文體溫麗少宏

十卷

僕氣時謂不及穎士而華自疑過之乃爲吊古戰

場文燥汗之如故物置於佛書之閣他日與穎士

聞佛書得之穎士稱工華問當代秉筆者誰及此

穎士曰君稍精思便可及矣華愕然而服二獨孤

及敘華集稱其詠古詩
今詠史詩或卽是也

雜詩六首

黃鍾叩元音律呂更循環邪氣悖正聲鄭衛生其
間典樂忽消微波浪與天渾嘈嘈鴟梟動好鳥徒
懸蠻王吉歸鄉里甘心長閉關

玄黃與丹青五氣之正色聖人端其源上下皆有
則齊侯好紫衣魏帝婦人飾女奴厭金翠傾海未
滿臆何忍嚴子陵羊裘死荆棘

甘酸不私人元和運五行生人受其用味正心亦
平爪牙相踐傷日與性命爭聖人不能絕鑽燧與

炮烹嗜欲乘此熾百金資一傾正消神耗衰那勝
體充盈顏子有餘樂瓢中寒水清

陰鬼淪宇宙太陽假其明臣道不敢專由此見虧
盈未聞東菑稼一氣嘉穀成上天降寒暑地利乃
可生葛藟附柔木繁陰蔽曾原風霜摧枝幹不復
庇本根女蘿依松柏然後得長存

孔光尊董賢胡廣慚李固儒風冠天下而乃敗至
度絳侯與博陸忠朴受遺顧求名不考實文弊反
成蠹

結交得書生書生鈍且直爭權復爭利終不得其

力我逢縱橫者是我牙與翼相旋如疾風並命趨
紫極奔車得停軌風火何相逼仁義豈有常肝膽
反爲賊勿嫌書生直鈍直深可憶

詠史十一首

日照崑崙上

一作山

羽人披羽衣乘龍駕雲霧欲往

心無違此山在西北乃是神仙國靈氣皆自然求
之不可得何爲漢武帝精思

一作意

徧羣山糜費巨

萬計宮車終不還蒼蒼茂陵樹足以戒人間

天生忠與義本以佐雍熙何意李司隸而當昏亂
時古墳襄城野斜徑橫秋陂况不禁樵采茅莎無

予遺高標尚可仰精爽今何之一忤中常侍銜寃
誰足之知常觀黨錮傳撫卷不勝悲

文侯眈鄭衛一聽一忘餐白雪燕姬舞朱絃趙女
彈淫聲流不返悵蕩日無端獻歲受朝時鳴鍾讌
百官兩牀陳管磬九奏殊未闌對此唯恐卧更能
整衣冠

漢皇修雅樂乘輿太學臨三老與五更天王親割
牲一人調風俗萬國和且平單于驟款塞武庫欲
銷兵文物此朝盛君臣何穆清至今壇壇下如有
簫韶聲

蜀主相諸葛功高名亦尊驅馳千萬衆怒目瞰中原
曹伯任公孫國亾身不存社官久蕪沒白鴈猶
飛翻勿言君臣合可以濟黎元爲蜀諒不易如曹
難復論

秦滅漢帝興南山有遺老危冠揖萬乘幸得厭征
討當君逐鹿時臣等已枯槁寧知市朝變但覺林
泉好高卧三十年相看首成皓帝言翁甚善見顧
何不早咸稱太子仁重義亦尊道側聞驪姬事申
生不自保暫出商山雲榻來趨灑掃東宮成羽翼
楚舞傷懷抱後代無其人戾園滿秋草

六國韓最弱末年尤畏秦鄭生爲韓計且欲疲秦
人利物可分社原情堪滅身咸陽古城下萬頃稻
苗新

昂藏獬豸獸出自太平年亂代乃潛伏縱人爲禍
愆嘗聞斷馬劍每壯朱雲賢身死名不滅寒風吹
墓田精靈如有在幽憤滿松煙

沂水春可涉泮宮映楊葉麗色異人間珊珊搖珮
環展禽恆一作常獨處深巷生禾黍城上飛海雲城

中暗春雨適來鳴珮者復是誰家女泥沾珠綴履
雨濕翠毛簪電影開蓮臉雷聲飛蕙心自言沂水

曲采萍兼采綠歸邈雖可尋天陰光景促憐君貞
且獨願許君家宿徒勞惜衾枕子不顧雙娥艷質
誠可重淫風如禮何周王惑褒姒城闕成陂隄
巢許在嵩頰陶唐不得臣九州尚洗耳一命安能
親繇邈數千祀丘中誰隱淪朝遊公卿府夕是山
林人蒲帛揚側陋薜蘿爲縉紳九重念入夢三事
思降神且設庭中燎寧窺臯下鱗

漢時征百粵楊僕將樓船幕府功未立江湖已騷
然烏夷非敢亂政暴地仍偏得罪因懷壁防身輒
控弦三軍求裂土萬里詐聞天魏闕心猶在旗門

曾已懸如何得良吏一爲制方圓

雲母泉詩 并序

洞庭湖西玄石山俗謂之墨山山南有佛寺寺
倚松嶺下有雲母泉泉出石引流分渠周遍庭
宇發源如乳湏未派如淳漿烹茶漸蒸灌園漱
齒皆用之大浸不盈大旱不耗自墨山西北至
石門東南至東陵廣輪二十里盡生雲母牆階
道路炯炯如列星井泉濂澗色皆純白鄉人多
壽考無癖癩疥搔之疾華澤樂之類川陳公天
寶中與華同爲諫官公性與道合忽於權利方
挂冠投簪顧華以名山之弊乾元初公貶清江
丞移武陵丞華賤杭州司功恩復左補闕上元
中俱奉詔徵公自清江至武陵道路多虞制書
不至華沂江而西次于岳陽江山延望日夕相
顧屬思與高賢共飲雲母之泉躬耕墨山下
敢違朝命以徇私欲秋風露寒洞庭微波一聞
猿聲不覺涕下况支離多病年甫始衰願餌藥
扶壽以究無生之學事乖志負火契予心寄懷

此篇亦以書

予之志也

晨登玄石嶺橫上寒松靜朗日風雨霽高秋天地
清山門開古寺石竇含純精洞徹淨金界黃緣流
玉英澤藥滋畦茂氣染茶甌馨飲液盡眉壽食和
皆體平瓊巖駐容鬢甘露瑩心靈代山谷謝巧妙匡
山徒有名願言構逢萼荷鋪引泠泠訪道出人世
招賢依福庭此心不能已寤寐見吾兄曾結穎陽
弊窟年無所成東西同放逐地豕尚縱橫江漢阻
攜手天涯萬里情恩光起憔悴西上謁承明秋色
望江樹相思紛以盈猿啼巴丘戌月上武陵城共

恨川路永無由會友生雲泉不可忘何日遂躬耕

僊遊寺

有龍潭穴
弄玉祠

捨事入樵逕雲木深谷口萬壑移曉明十峯轉前
後巖然龍潭上石勢若奔走開拆秋天光崩騰夏

一作萬

雷吼靈谿自茲去紆直互紛糾聽聲靜復喧

望色無更有冥冥翠微下高殿映杉柳滴滴洞穴
中懸泉響相扣昔時秦女王羽化年代久日暮松
風來簫聲生左右早窺神仙籙願結芝朮友安得
羨門方青囊繫吾肘

寄趙七侍御

并序

自餘千巖行經代巖至上鏡山川幽麗思與雲
卿同遊遊不可得因敘曠年之素寄懷於篇云

搖槩曙江流江清山復重心愜賞未足川迴失前

峯凌灘出極浦曠若天地通君陽青嵯峨開拆混

元中九潭魚龍窟仙成羽人宮陰奧潛鬼物精光

動烟空玄猿啼深詭

干定反楚越謂竹樹深者爲詭

白鷗戲蔥蒙

飛湍鳴金石激溜鼓雷風雨濯萬木鮮霞照千山

濃草閑長餘綠花淨落幽紅渚烟見晨釣山月聞

夜春覆谿窈窕波涵石洶溶溶丹丘忽聚散素壁

相奔衝白日破昏靄靈山出其東勢排昊蒼上氣

壓吳越雄迴頭望雲卿此恨發吾衷昔日蕭邵遊

四人纔成童

華與趙七侍御驛故蕭十功曹穎士故邵十六軫未冠遊太學皆苦貧共

弊同年三人同科相次典校邵後三人登第也

屬詞慕孔門入仕希上公

緯卿陷非罪折我昆吾鋒

邵字緯卿以寬橫貶卒南中

茂挺獨

先覺拔身渡京虹斯人謝明代百代墜鵷鴻

蕭天寶末

知亂棄官往江東殞葬先人逝于汝南做

世故墜橫流與君哀路窮

逆胡

陷兩京子與趙受辱賊中

相顧無死節蒙恩逐殊封

華貶杭州司功趙貶

泉州晉江尉

天波洗其瑕朱衣備朝容

華承恩累遷尚書郎趙拜補闕

史

一別凡十年豈期復相從餘生得攜手遺此兩

屣翁羣遷失鶯羽後凋惜長松衰旅難重別悽悽

滿心曾遇勝悲獨遊貪奇悵孤蓬禽尚彼何人胡

角音
爲束樊籠吾師度門教授弁躡遐蹤

春遊吟

初春遍芳甸千里藹盈曠美人摘新英步步翫春
綠所思杳何處宛在吳江曲可憐不得共芳菲日
暮歸來淚滿衣

長門怨

弱體鴛鴦薦啼妝翡翠衾鴉鳴秋殿曉人靜禁門
深每憶椒房寵那堪永巷陰自驚羅帶緩非復舊
來心

奉使朔方贈郭都護

絕塞臨光祿孤營佐貳師鐵衣三山一作月冷金鼓
朔風悲都護徵兵日將軍破虜時揚鞭玉關道回
首望旌旗

晚日湖上寄所思

與君爲近別不啻遠相思落日平湖上看山對此
時

奉寄彭城公

公子三千客人人願報恩應憐抱關者貧病老夷
門

寄從弟

眼病身亦病浮生已半空迢迢千里月應與惠連

同

春行寄興

宜陽城下草萋萋澗水東流復向西芳樹無人花
落春山一路鳥空啼

句

笑浦夷作名嫌石甲爲號

三癸亭詩
海錄碎事

丙籤四十二

張均燕公說長子能文官大理卿受祿山僞命爲
中書令肅宗念說舊免死長流合浦集二十卷今

存詩十一篇

和尹忭登南樓

客來已兩春更瞻韶光早
花鳥玩環合江山復駢
抱樓形寫北潭堞勢凌青島
白雲謝歸鴈馳懷洛陽道

岳陽晚景

一作父說詩

晚景寒鷗集秋風

一作聲

旅

一作海

鴈鱗水光浮日出

一作去

霞彩映江飛洲白蘆花吐園红柿葉稀長沙

卑濕地九月未成衣

江上逢春

離憂耿未和春慮忽蹉跎
擇水猿知去尋泥燕獨
過驚花翻霽日垂柳拂煙波
激意屢怡賞無如鄉
念何

九日巴丘登高

客心驚暮序賓鴈下滄洲
共賞重陽節言尋戲馬

遊湖風扶

一作愁

戊柳江雨暗山樓且酌東籬酒聊

祛南國憂

和尹忭秋夜遊澗湖二首

遠水沈西日寒沙聚夜鷗
平湖乘月滿飛棹接星
流黃葉鳴淒吹蒼葭掃暗洲
願移滄浦賞歸待頽

川遊

灣潭幽意深杳靄涵寒岑石痕秋水落嵐氣夕陽
沈澄徹天爲底淵玄月作心青谿非大隱歸弄白
雲潯

巴丘春日作

日出洞庭水春山挂斷霞江潏相映發丹木共紛
華湘戍南浮澗荆關北望賒湖陰窺翹魍魎丘勢辨
巴蛇島戶巢爲館漁人艇作家自憐心問影三歲
客長沙

岳州觀競渡

一作父
說詩誤

畫作飛鳧艇雙雙競拂流袷裝川色變急棹水華
浮土尚三閭俗江傳二女遊齊歌迎孟姥獨舞送
陽侯鼓發南湖澆標爭西驛樓並馳常詫速非畏
日光道

岳州西城

一作父
說詩誤

水國何遼曠風波遂極天西江三汜合南浦二湖
連危堞臨清境煩憂暫豁然九圍觀掌內萬象闕
眸前日去長沙渚山橫雲夢田汀葭變秋色津樹
入寒煙潛穴探靈詭浮山揖聖僊至人今不見迹
滅事空傳

送梁六自洞庭山作

一作父說詩

巴陵一望洞庭秋，日見孤峯水上浮。
聞道神僊不可接，心隨湖水共悠悠。

流合浦嶺外作

瘴江西去火為山，炎徼南窮鬼作關。
從此更投人境外，生涯應在有無間。

丙籤四十三

鄭虔棗陽人，善書畫。玄宗愛其才，特置廣文館，以爲博士。遷著作郎，後陷祿山，貶台州司戶參軍卒。

詩一首

名列文苑不著集錄

唐詩統錄

閨情

銀鑰開香閣
金臺照夜塔
長征君自慣
獨卧妾何

曾

丙籤四十四

唐音統籤卷

一百四十二

張謂字正言河南人登天寶二年進士第大曆間

官至禮部侍郎三典貢舉詩一卷

唐志 宋志有
乾元中謂以

尚書郎出使夏日汜州牧杜公鵠之南湖李白在座爲謂舉酒酌水標之爲郎官湖謂有長沙風土記亦奉使時撰 殷璠云謂代北州老翁答及湖中對酒行並在物情之外衆人未曾說耳亦何必歷遐遠探古跡然後始爲冥搜

五言古詩

讀後漢逸人傳二首

子陵沒已久讀史思其賢誰謂潁陽人千秋如此
肩嘗聞漢皇帝曾是曠周旋名位苟無心對君猶

可眠東過富春渚樂此佳山川夜卧松下月朝看
江上煙釣時如有待釣罷應忘筮生事在林壑悠
悠經暮年于今七里瀨遺迹尚依然高臺竟寂寞
流水空潺湲

龐公南郡人家在襄陽里何處偏來往襄陽東陂
是誓將業田種終得保妻子何言二千石乃欲勸
吾仕鶴鵲巢茂林龜羆穴深水萬物從所欲吾心
亦如此不見鹿門山朝朝白雲起采藥復采樵優
游終暮齒

同孫構免官後登薊樓

昔在平

五 一作

陵時年少心亦壯嘗矜有奇骨必是

封侯相東走到營州投身事邊將一朝去鄉國十
載履亭障部曲皆武夫功成不相讓猶希虜塵動
更取林胡帳去年大將軍忽負樂生謗北別傷士
卒南遷死炎瘴落悲無成行登薊丘上長安三
千里日夕西南望寒沙榆塞沒秋水灤河漲策馬
從此辭雲山保閑放

七言古詩

湖上對酒行

夜坐不厭湖上月晝行不厭湖上山眼前一樽又

長滿心中萬事如等閑
主人有黍百餘石濁醪數
斗應不惜卽今相對不盡歡
別後相思復何益菜
黃灣頭歸路賒願君且宿黃
公家風光若此人不
醉參差辜負東園花

邵陵作

嘗聞虞帝苦憂人
祇爲蒼生不爲身
已道一朝辭
北闕何須五月更南巡
昔時文武皆銷鑠
今日精靈常寂寞
斑竹年來笋自生
白蘋春盡花空落
遙望零陵見舊丘
蒼梧雲起至今愁
惟餘帝子千行淚
添作瀟湘萬里流

贈喬琳

一作劉
音虛詩

去年上策不見收今年寄食仍淹留
羨君有酒能便醉羨君無錢能不憂
如今五侯不愛一作待一作客羨君不問五侯宅
如今七貴方自尊羨君不過七貴門
丈夫會應有知己世上悠悠何足論

代北州老翁答

負薪老翁往北州北望鄉關生客愁
自言老翁有三子兩人已向黃沙死
如今小兒新長成明年聞道又徵兵
定知此別必零落不及相隨同死生
盡將田宅借鄰伍且復伶俜去鄉土
在生本求多子

及有誰知更辛苦近傳天子尊武臣強兵直欲
靜胡塵安邊自合有長策何必流離中國人

五言律詩

郡南亭子

亭子春城外朱門向綠林柳枝經雨重松色帶煙
深漉酒迎山客穿池集水禽白雲常在眼聊足慰
人心

早春陪崔中丞浣花谿宴得暄字

旌節臨谿口寒郊陡覺暄紅亭移酒席畫鷁逗江
村雲帶歌聲颺風飄舞袖翻花間催秉燭川上欲

黃昏

讌鄭伯璵宅

正月風光好逢君上客稀
曉風催鳥囀春雪帶花飛
堂上吹金管庭前試舞衣
俸錢供酒債行子未須歸

夜同宴用人字

北斗回新歲東園值早春
竹風能醒酒花月解留人
邑宰陶元亮山家鄭子真
平生頗同道相見日相親

揚州雨中張十七宅觀妓

一作劉長卿詩

月三
夜色帶寒煙燈花拂更燃殘妝添石黛豔舞落金
鈿掩笑須欹扇迎歌乍動絃不知巫峽雨何事海
西邊

過從弟制疑官舍竹齋

羨爾方爲吏衡門獨宴如野猿偷紙筆山鳥汗圖
書竹裏藏公事一作素花間隱使車不妨垂釣坐時

贈小江魚

登金陵臨江驛樓

古戍依重險高樓見五梁山根盤驛道河水浸城
牆庭樹巢鸚鵡園花隱麝香忽然江浦上憶作捕

魚郎

同王徵君湘中有懷

一作嚴
維詩

八月洞庭秋，瀟湘水北流。
還家萬里夢，爲客五更愁。
不用開書帙，偏宜上酒樓。
故人京洛滿，何日復同遊。

寄崔澧州

共襍臺郎被，俱褰郡守帷。
罰金殊往日，鳴玉幸同時。
五馬來何晚，雙魚贈已遲。
江頭望卿月，無夜不相思。

寄李侍御

柱下聞周史書中懋越吟近看三歲字遙見百年
心價以吹噓長恩從顧盼深不栽桃李樹何日得
成陰

饒田尚書還兗州

忠義三朝許威名四海聞更承歸魯詔猶憶破胡
勳別路逢霜雨行營對雪雲明朝郭門外長揖大
將軍

送裴侍御歸上都

楚地勞行役春城罷鼓鼙舟移洞庭岸路出武陵
谿江月隨人影山花趁一作逐馬蹄離魂將別夢先

爾到關西

送韋侍御赴上都

天朝辟書下風憲取才難
更謁麒麟殿重簪獬豸
冠月明湘水夜霜重桂林寒
別後頭先白時時鏡裏看

送杜侍御赴上都

避馬臺中貴登車嶺外遙
還因貢賦禮來謁大明
朝地入商山路鄉連渭水橋
承恩反南越擘酒重相邀

道林寺送莫侍御

何處堪留客重林隔翠微
薜蘿通驛騎松竹掛朝
衣霜引臺烏集風鷺塔
馬飛飲茶勝飲酒聊為
送君歸

別睢陽故人

少小客游梁依然似故鄉
城池經戰缺人物恨存
亡夏雨桑條綠秋風麥
穗黃有書無寄處相送
一
霜裳

送青龍一公

事佛輕金印勤王度玉
關不知從樹下還肯到
人間
楚水青蓮淨吳門白日
閑
聖朝須助理絕

一作
莫愛東山

玉清公主挽詞

代宗女

學鳳年猶小乘龍日尚賒
初封千戶邑忽駕五雲
車地接金人岸山通

一作藏

玉女家秋風何太早吹

落禁園花

官舍早梅

堦下雙梅樹春來畫不成
晚時花未

一作易

落陰處

葉難生摘子防人到
攀枝畏鳥驚風光先占得桃

李莫相輕

五言排律

同諸公遊雲公禪寺

共許尋雞足，龍能惜馬蹄。
長空淨雲雨，斜日半虹霓。
蒼蒼下千峯，轉牕前萬木。
低看花尋徑，遠聽鳥入林。
迷地與喧卑。一作聞
隔人將物我，齊不知樵客意。
何事武陵谿。

送僧

童子學修道，誦經求出家。
手持貝多葉，心念優曇華。
花得度北州，近隨緣東路。
賒一身求清淨，百毳誰架裳。
鍾嶺更飛錫，爐峯期結跏。
深心大海水，廣願恆河沙。
此去不堪別，彼行安可涯。
殷勤結香火，來

世上牛車

哭護國上人

昔喜三身淨，今悲萬劫長。
不應歸北斗，多是向西
方。舍利衆生得，袈裟弟子將。
鼠行殘藥碗，蟲網舊繩牀。
別起千花塔，空留一草堂。
支公何處在，神理竟茫茫。

七言律詩

春園家宴

南園春色正相空，大婦同行少婦隨。
竹裏登樓人，不見花間覓路鳥。
先知櫻桃解結垂簷子，楊柳能

低入戶枝山簡醉來歌一曲參差笑殺郢中兒

西亭子言懷

數叢

一作賦

芳草在堂陰幾處閑花映竹林攀樹玄

猿呼郡吏傷谿白鳥應家禽青山看景知高下流水聞聲覺淺深官屬不令拘禮數時時緩步一相尋

別韋郎中

星軺計日赴岷峨雲樹連天阻笑歌南入洞庭隨鴈去西過巫峽聽猿多嘒嶠洲上飛黃蝶濫頽堆邊起白波不醉郎中桑落酒教人無奈別離何

送皇甫齡宰交河

將軍帳下來從容小邑彈琴不易逢樓上胡笳傳
別怨樽中臘酒爲誰濃行人醉出雙門道少婦愁
看七里烽今日相如輕武騎多應朝暮一作客臨

邛

杜侍御送貢物戲贈

銅柱朱崖道路難伏波橫海舊登壇越人自貢珊
瑚樹漢使何勞獬豸冠疲馬山中愁日晚孤舟江
上畏春寒由來此貨稱難得多恐君王不忍看

七言絕句

題長安壁主人

世人結交須黃金黃金不多交不深縱令然諾暫
相許終是悠悠行路心

長沙失火後戲題蓮花寺

金園寶刹半長沙燒劫旁延一萬家樓殿總隨煙
焰去火中何處出一作蓮花

贈趙使君美人

紅粉青娥映楚雲桃花馬上石榴裙羅敷獨向東
方去漫學他家作使君

送盧舉使河源

故人行役向邊州
匹馬今朝不少留
長路關山何日盡
滿堂絲竹爲君愁

早梅

一樹寒梅白玉條
迴臨村路傍谿橋
不知近水花先發
疑是經春雪未銷

句

稽山賀老麤知名
吳郡張顛曾不易
奔蛇走虺勢入座
驟雨旋風聲滿堂

贈懷素見
顏真卿序

丙籤四十五

唐音統籤卷

一百四十三

獨孤及字至之洛陽人與李華蕭穎士齊名天寶末以有道舉高第補華陰尉代宗召爲左拾遺遷禮部員外郎楊炎元載抑之出爲濠舒二州刺史以治課加司封郎中徙常州性孝友喜鑿拔後進卒謚憲詩二卷唐志毘陵集三十卷內詩三卷崔祐甫曰常州之文立憲誠世稟賢過惡爲用故議論最長其或列于碑頌流於詠歌峻如嵩華盛於江河

五言古詩

山中春思

懶祭川水大人家春日長獨謠晝不暮搔首懶年

芳靡草知節換含葩向新陽不嫌三徑深爲我生
池塘亭午井竈閑雀聲響空倉花落沒屐齒風動
羣木香歸路雲水外天涯杳茫茫獨卷萬里心深
人山鳥行芳景勿相迫春愁未遽忘

雜詩

百花結成子春物捨我去流年惜不得獨坐空閨
暮心自有所待甘爲物華悞未必千黃金買得一
人顧

觀海

北登渤澥島迴首秦東門誰尸造物功鑿此天池

源頃洞吞百谷周流無四垠廓然混茫際望見天
地根白日自中吐扶桑如可捫超遙蓬萊峯想像
金臺存秦帝昔經此登臨冀飛翻揚旌百神會望
日羣山奔徐福竟何成羨門徒空言唯見石橋足
千年潮水痕

初晴抱琴登馬退山對酒望

後作

年長心易感况爲憂患纏壯圖迫世故行止兩茫
然王旅方伐叛虎臣皆被堅魯人着儒服甘就南
山田挈榼上高磴超遙望平川滄江大如纒隱映
入遠天荒服何所有山花雪中燃寒泉得日景吐

雷鳴湔湔舉酒勸白雲唱歌慰頽年微風度竹來
韻我號鍾絃一彈一引滿耳熱知心宣曲終余亦
酣起舞山水前人生幾何時太半百憂煎今日鬪
愁破始知濁酒賢

同徐侍郎五雲谿新庭重陽宴作

萬峯蒼翠色雙谿清淺流已符東山趣况值江南
秋白露天地肅黃花門館幽山公惜美景肯爲芳
樽留五馬照池塘繁絃摧獻酬臨風孟嘉帽乘興
李膺舟騁望傲千古當歌遺四愁豈令永和人獨

檀山陰遊

雨晴後陪王員外泛後湖得谿字

遠山媚平楚宿雨漲清谿
浴沂任舟楫歡言無町
畦酒酣相視笑心與白鷗齊

題思禪寺上方

谿口聞法鼓停橈登翠屏
攀雲到金界合掌開禪
扇鬱律衆山抱空濛
花雨零老僧指香樓云是不
死庭眇眇於越路茫茫
春草青遠山噴百谷繚繞
馳東溟目極道一作想
何在境一作鏡
照心亦冥騁然

諸根空破結如破瓶

品彙無此二句

下視三界狹但聞五

濁腥山中有良藥吾欲隳天形

傷春懷歸

誰謂鄉可望望在天地涯
但有時命同萬里共歲
華昨夜南山雨殷雷
坼萌芽源桃不余欺
先發秦人家寂寂戶外掩
遲日春日斜源桃默無言
秦人獨長嗟不惜中腸苦
但言會合賒思歸吾誰訴
笑指南枝花

壬辰歲過過舊廬

少年事遠遊出入燕與秦
離居歲周天猶作勞歌
人負劔度頰水歸馬自知
津緣源到舊廬攬涕尋
荒榛鄰里喜相勞壺觴展
殷勤酒闌擊竹遲及此

離會因丈夫隨世波豈料百年身今日負鄙願多
慚故山春

丙戌歲正月出洛陽書懷

往歲衣褐見受服金馬門擬將忠與貞來酬主人
恩天地暫雷雨洪波生平原窮鱗遂蹭蹬夙昔事
罕存幸逢帝出震授鉞清東藩白日忽再中萬方
咸駿奔王風從西來春光滿乾坤執蟲競飛動余
亦辭籠樊遭遇思自強寵辱安足言唯將四方志
迴首謝故園

季冬自嵩山赴洛道中作

皇運偶中變長蛇食中土天蓋西北傾衆星隕如
雨胡塵動地起千里聞戰鼓死人成爲阜流血塗
草莽策馬何紛紛捐軀抗豺虎甘心赴國難誰謂
荼毒苦天子初受命省方造區宇斬鯨安溟波截
鼉作天柱三徵復正統五玉歸文祖不圖漢官儀
今日忽再覩升高望京邑佳氣連海浦寶鼎歛景
雲明堂舞干羽虎臣激昂禦侮腐儒着
縫掖何處議鄒魯西上轅轅山丘陵橫今古和風
蒸萬物臘月春靄吐得爲太平人窮達不足數他
日遇封禪著書繼三五

寒夜谿行舟中作

日沈諸山昏寂歷羣動宿孤舟獨不繫風水夜相
逐雲歸恆星白霜下天地肅月輪大如盤金波入
空谷魏闕萬里道羈念千慮東倦飛思故巢敢望
梧與竹沈吟登樓賦中夜起三復憂來無良方歸
候春酒熟

早發若溪驛望廬山

兩罷山巒鮮泠泠東風好斷崖雲山處是向峯頂
道誰謂峯頂遠跂予可瞻討忘緣祛天機脫屣恨
不早祇恐歲云暮遂與空名老心往跡未并慚愧

山上草

夏日訓于述畢耀問病見贈

救物智所昧學僊願未從
行藏兩乖角蹭蹬風波
中薄宦耻降志卧疴非養蒙
閉關涉兩旬羈思浩
無窮鸞鷲何處來雙舞下碧空
離別隔雲雨惠然
此相逢把手賀疾間舉杯欣酒濃
新詩見久要清
論激深衷高館舒夜簟開門延微風
火雲赫嗟峨
日暮千萬峯遙指故山笑相看
撫號鐘聲和由心
親一作清事感和氣同出處未易料
且歌緩愁容願
君崇明德歲暮如青松

訓皇甫侍御望大轡山見示之作

早歲慕五嶽嘗爲塵機礙孰知天柱峯今與郡齋
對隱鱗抱元氣氤氲舍青靄雲崖媚遠空石壁寒
古塞漢皇南遊日望秩此昭配法駕到谷口禮容
振荒外焚柴百神趨執玉萬方會天旋物順動德
布澤濤沛講武威已耀學仙功未艾黃金竟何成
洪業遽淪昧度世若一瞬昨朝已千載如今封禪
壇唯見雲雨晦長望哀往古勞生慚大塊清暉幸
相娛幽獨知所賴寒城春方正初月明可愛萬殊
喜陽和余亦荷時泰山色日夜綠下有清淺瀨愧

作拳僂人沈迷簿書內登臨歎拘限出處悲老大
况聽郢中曲復識湘南態思免物累牽敢令道機
退瞞然誦佳句持此秋蘭佩

庚子歲避地至玉山訓韓司馬所贈

滄海疾風起洪波駭恬鱗已無濟川分甘作乘桴
人揮手謝秣陵舉帆指甌閩安知風塵表偶與瓊
瑤親共悲行路難况逢江南春故園如在夢返復
知何辰曠野豺虎滿深山蘭蕙新枉君灞陵什廻
首徒酸辛

訓梁二十宋中所贈兼留別梁少府

少讀黃帝書肯不笑機事意猶負深衷未免名跡
累厭貧學干祿欲詢賓王利甘爲風波人豈復江
海意擔簦平臺下是日飲羈思逢君道寸心暫喜
一交臂緒言未及竟離念已復至甯侯望南丘雲
雨成兩地途殊跡方間河廣流且駛暮帆望不及
覽贈心欲醉愛君如金錫昆弟皆茂意奕赫連絲
衣榮養能錫類君子道未長深藏青雲器巨鱗有
時今日不足議唯當加餐飯好我袖中字別離
動經年莫道分首易

奉和李大夫同呂評事太行苦熱行兼寄院

中諸公

駟馬上太行修途亘遼碣王程無留駕日晏未遑
歇請問此何時恢台朱明月長蛇稽天討上將方
北伐明主命使臣皇華得時餽已忘羊腸險豈憚
濕風熱搖策汗湧滄登岸思紆結炎雲如煙火谿
谷將恐竭晝景絕可畏涼颼何由發山長飛鳥墮
目極行車絕趙魏方俶擾安危俟明哲歸路豈不
懷飲冰有苦節會同傳檄至疑議立談決况有阮
元瑜翩翩秉書札起予歌赤坂永好踰白雪誰念
剖竹人無因執羈繼

代書寄上李廣州

皖水望番禺迢迢青天末鴻鴈飛不到音塵何由
達獨有與人歌隔雲聲誼聒皆稱府君仁百越賴
全活推誠魚鱉信持正魑魅怛疫民保中和性足
無天闕天子咨四岳佇公濟方割幾時復旋歸入
踐青瑣闥賤子託明德繚若松上葛別離鄙恹生
結念思所豁門欄關山阻岐路天地闊唯憑萬里
書持用慰饑渴

代書寄上裴六冀劉三穎

昔余馬首東君在北海內

音入聲

盡屏簿領書相與

議巖穴載來詣佳境每山有車轍長嘯林木動高
歌唾壺缺此辭月未周虜馬嘶絳闕猛虎踞大道
九州當中裂聞君棄孤城猶自握漢節耻栖惡木
影忍與故山別脫舄挂嶺雲罔然若鳥逝入唯留聲
潺湲水分付練谿月爾來大谷梨白花再成雪關
梁限天塗歡樂竟兩絕大盜近削平三川今底寧
勾芒布春令屏翳收雷霆伊洛日夜漲鳴皇蘭杜
青鸞鸞兩黃鵠何處遊青冥疇昔切玉刃應如新
發刪及時當樹勳高懸景鐘銘莫抱白雲意徑往
丹丘庭功成儻長揖然後謀滄溟

下弋陽江舟中代書寄裴侍御

故鄉隔西日去水連長天前路知幾許但指天南
邊愴恨極浦外隱映青山連東風滿帆來五兩如
弓弦遙羨繡衣客罔然馬首先得餐武昌魚不顧
潯陽田屈指數別日忽乎成兩年百花已滿眼青
草漸碧鮮豈是離居時奈何于役牽洞庭有深涉
曷日期歸旋且作異鄉計詎知攜手緣離憂未易
銷莫道樽酒賢

客舍月下對酒醉後寄畢四耀

鄉路風雪深生事憂患迫天長波浪廣高舉無六

月行卷八
翻獨立寒夜移幽境思彌積霜月照簷浮銀河入
簷白沽酒聊自勞開樽坐簷隙主人奏絲桐能使
高興劇清機暫無累獻酢更絡繹慷慨葛天歌情
情廣陵陌既醉萬事遺耳熱心亦適視身兀如泥
瞪目傲今昔故人間城闕音信兩脉脉別時前盟
在寸景莫自擲先自畢贈及詩云洪鑪無火停日
月速若飛忽然行人身飲酒不須
疑心與白日鬪十無一滿百寓形薪火內甘作天
地客與物無親疎斗酒勝竹帛何必用自苦將貽

古賢責

三月三日自京到華陰水亭獨酌寄裴六薛

八

祇役匪遑息經時客三秦還家問節候知到上巳
辰山縣何所有高城閉青春和風不吾欺桃杏滿
四鄰舊友適遠別誰當接歡欣呼兒命長瓢獨酌
湘吳醉一酌一朗詠既酣意亦申言筌暫兩忘霞
月毳相新養子塵表物薛侯席上珍寄書二傲吏
何日同車茵詎肯挾空名終然羈此身他年解桎
梏長作海上人

海上寄蕭立

朔風剪塞草寒露日夜

一作始

結行行到瀛壖歸思

生暮節驛樓見萬里延首望遼碣遠海入大荒平

燕際窮髮舊國在夢想故人胡且越契闊阻風一作

風期荏苒成雨別海西望京口兩地各天末索居

動經秋再笑知曷月品彙無此二句日南望中盡一作目

盡唯見飛鳥滅音一作塵未易得何由一作慰饑

渴

賈員外處見中書賈舍人巴陵詩集覽之懷

舊代書寄贈

海岸望青瑣雲長天漫漫十年不一展知有關山
難適逢阮始平立馬問長安取公詠懷詩示我江

海瀾暫若窺武庫森然矛戟寒眼明遺頭風心悅
忘朝餐大駕今返正熊羆虬鳴鑿公遊滅鳳沼獻
可在筆端繫越有長纓封關祗一九問然翔寥廓
仰望慚羽翰嘉會不我與相思歲云殫唯當袖佳
句持比青琅玕

癸卯歲赴南豐道中聞京師失守寄權士繇
韓幼深

種田不遇歲策名不遭時胡塵晦落日西望泣路
岐猛虎嘯北風厲殿皆載馳深泥駕疲牛蹠踣余
何之詰屈白道轉繚繞清鞵隨荒谷嘯山鬼深林

啼子規長歎指故山三奏歸來詞不達眼中人調
苦車透遲士繇松筠操幼深瓊樹枝別來平安否
何階一申眉白雲失帝鄉遠水限天涯昂藏雙鳳
鳳曷月還西枝努力愛華髮盛年振羽儀但令迤
難康不負滄洲期莫作新亭泣徒使夷吾嗤

送相里郎中赴江西

君把一尺品南遊濟滄浪受恩忘險艱不道岐路
長戎狄方構患休牛殊未遑三秦千倉空戰卒如
餓狼委輸資外府諷謀寄賢良有才當陳力安得
遂翱翔豈不慎井賦賦均人亦康遙知軒車到萬

室安耕桑火伏金氣騰昊天欲蒼茫寒蟬慘巴鄧
秋色愁沉相昨日攜手西於今芸再黃歡娛詘幾
許復向天一方躡躡話世故惆悵舉離觴共求數
刻歡戲謔君此堂今日把手笑少時各他鄉身名
同風波聚散未易量曷月還朝天及時開智囊前
期儻猶開加飯勉自強

送陳兼應辟兼寄高適賈至

結綠處燕石下和不必知所以王佐才豈能忘茅
茨罷官梁山外穫稻楚水湄適會傳巖人虛舟濟
川時天網忽搖頓公才難棄遺鳳凰翔千仞今始

一鳴岐上馬指國門舉鞭謝書帷預知大人賦掩
却歸來詞天子方在宥朝廷張四維料君能獻可
努力副疇咨舊友滿皇州高冠飛翠鬃相逢絳闕
下應道軒車遲高侯秉戎翰策馬觀西夷方從幕
中事參謀王者師買生去洛陽焜耀琳琅姿芳名
動北步逸韻陵南皮肅肅舉鴻毛冷然順風吹波
流有同異由是限別離漢塞隔隴底秦川連鎬池
白雲日夜滿道里安可思夢想浩盈積物華愁變
衰因君附錯刀送遠亦淒其四海各橫絕九霄應
易期不知故巢燕決起棲何枝

長短句

官渡柳歌送李員外承恩往揚州觀省

君不見官渡河兩岸三月楊柳枝千條萬條色色
色勝綠絲花作鉛粉葉叢成翠羽帳此時送遠人
悵望春水上遠客折楊柳依依兩舍情夾郎木蘭
舟送郎千里行郎把紫泥書東征覲庭闈脫却絡
襜褕新着五絲衣雙鳳并兩翅將雛東南飛五兩
得便風幾日到揚州莫貪揚州好客行剝淹留郎
到官渡頭春蘭已應久殷勤道遠別爲謝大堤柳
攀條儻相憶五里一回首明年柳枝黃問郎還家

否

七言古詩

自東都還濠州奉謝王八諫議見贈

關西仕時俱稚容，彪彪之鬢始相逢。天地變化縣

城改

天寶中及尉華陰鄭縣別後經禰山之亂鄭縣殘毀城移于州西

獨有故人

交態在不言，會合跡未并。猶似歲寒心，相待洛陽

居。守寄鄴侯君，着貂冠叅運籌。高閣連雲騎，省夜

新。文會友涼風，秋青袍白面。昔攜手冉冉府趨君，

記否雲分雨散十五年。始得一笑樽酒前，未遑少

留驟遠別。况值旅鴈鳴秋天，二華舊遊如夢想。他

時再會何由緣賴君贈我郢中曲別後相思被管絃

和贈遠

憶得去年春風至中花桃李映君牕美人挾瑟對芳樹玉顏亭亭與庭雙今年新花如舊時去年美人不在茲借問離居恨深淺祇應獨有庭花知

雨後公超谷北原眺望寄高拾遺

崖口雨足收清光洗高天虹霓斂殘靄山水含碧鮮遠空霞破露月輪薄雲片片成魚鱗五陵如畫取渭如帶目極千里關山暮朝來爽氣未易說畫取

花峯贈遠人

蓬萊驛夜宴平盧楊判官醉後贈別姚太守

置河留宴

驛樓漲海壖秋月寒城邊相見自不足况逢主人
賢夜清酒濃人如玉一斗何啻直十千木蘭爲樽
金爲杯江南急管盧女絃齊童如花解郢曲起舞
激楚歌采蓮固知別多相逢少樂極哀至心嬋娟
少留莫辭醉前路方悠然明日分飛儻相憶祇應
遙望西南天

和題藤架

蓁蓁葉成幄
璀璨花前離
心苦愁至無日
夜人去藤花千里
強藤花無主爲誰芳
相思歷亂
何由盡春日
迢迢如線長

同岑郎中屯田韋員外花樹歌

東風動地吹花發
渭城桃李千樹雪
芳菲可愛不可留
武陵歸客心欲絕
金華省郎惜佳辰
祇持棣萼照青春
君家自是成蹊處
况有庭花作主人

和李尚書畫射虎圖歌

饑虎呀呀立當路
萬夫震恐百獸怒
彤弓金鏃當者誰
鳴鞭飛控流星馳
居然畫中見
真態若務除

惡不顧私時和年豐五兵已白額未誅壯士耻分
銖遠邇懸設中不中不發思全功捨矢如破石可
裂應絃盡敵山爲空殺氣滿堂觀者駭颯若崖奔
生長風精微入神在毫末作續造物可同勛存教
秉鉞受命新丹青起予氣益振底綏靜難巧可操
嗟歎不足聲成文他時代天育萬物亦以此道安
斯民